

集部

欽定四庫全書

集部

宗子相集卷十五

詳校官監察御史臣陳化龍 侍讀 日孫球覆勘

總被官原任中九臣王 熊 緒 校對官編修臣関惇大 勝銀 生臣 吳魯田

次定四車全書 我村での日本の下の内 を行うのは、 はいできる。 はいでる。 はいできる。 はいでも。 はいでる。 はいでも。 としでも。 としでも。 としでも。 としでも。 としでも。 としでも。 としでも。 としでも。 としでも。 宋子相集 なに次がる 文安中遂不能出片語 一而去實勞我心春中 明 **竹君諱返蜀也** 宗臣 搩 則

蜀訪足下之廬為十日之飲及下其飾卮而待馬使者 僕偃寒時気鬱亡朝行將拂衣長往南将具楚西窺巴 馬則與二三子飲熊市中何殊也王生近遷齊憲視我 華時復濯錦江之波登巫峽之巔揖杜甫草堂而俯仰 歸因授一言以報道遠情長臨楮軫結 吾數人者釣窮途矣足下讀禮之暇上綜千古采其英 事徐卿留滯江南而明卿雖適乃能日抱白鹿卧獨使

貴臣之口恐足下與僕俱不免作吳生狀也其說頗長 貴臣幾禍已乃差解得我使去足下雖因刀筆乎孰與 來相見矣讀足下諸篇悲壯奇爽大快人意每一相思 明卿因每一念至則欲裂冠而走我輩数人大不理于 敏為披弄則亦稍慰于鱗竟得關中禄王生大不愜于 别來半載僅得足下二紙每啓函報淚淫淫下七月間 次已四年六十 不欲為足下誦之恐足下大恐昨為足下賦金山大自 一書數詩松江舊吏往候足下雖在始孰計亦能西 4 宗子相集

君顧不足當僕語也足下登金山月明酒酣取僕語歌 董本不宜復預人間事即于蘇稍伸已不免忌者之口 奇特古劍二華匡廬諸篇僕之為諸君作語至矣非諸 金グログノニー 足下駐通咫尺耳乃不得單騎往候千里命駕其人 直須散髮漁糕庶人巳亡病耳昨得明卿八月二日書 何愧矣愧矣學據决意足下乃更他得之黯然心折我 之當得山靈夜泣孫張諸豎子敢以庸詞辱此山平 報元美

武夷素屋意想者亦何可不目倘有餐霞如芝者乎即 僕已逐為閱吏矣僕遂不難拂衣第以大江以南天台 冬間得足下一書知東事甚悉使者竟不至未有以報 馬公憂恐司馬公見我筆詩生怒是以屢作復報今方 既已抵家一月其新詩慘淡殊可念也足下以詩為司 候不腆之儀幸命膳者收之 入構即寄足下置之足下在通更得幾畫謹遣一介往 報元美

次是日本ととう

宗子相集

古使僕耳目駭嘆如登崑崙閬風從屋仙遊也含嘆而 母ななんと言う 間辱尊公賜訊無恵之夫廪愧負長者幸為我謝馬今 脱優而近耳昨會太军公稱足下非謂一分袍應也行 往歲幸奉干旄足下觞我西湖之上一日論心便足千 倘有便礼其致區區冗極不盡鄙悰東望於邑 已放舟南下秋中方得渡江足下向員我詩令武夷者 亦何辭也川金逾遠音告頗親願為斯道自爱于鱗處 報姜使君

偉矣昔潛恥折腰五斗賦歸去來詞萬古嗟誦馬即足 **蒼生其足以愧夫沉消于富貴而不知返者功偉矣功** 赧然愧也則足下所為拂衣 高蹈雖若恝然於天下之 道陵夷士風日隳世之學士大夫命視簪組仇遇泉石 生談人倫之髙致必首足下至於吾黨猶數數馬自王 北未幾即開拂衣僕往從無繇日增太息每與縉紳先 下所為文辭詩歌何莫非歸去辭也則潛以來足下一 一聞足下之風不笑其迂軟議其狂然未當不瞿然驚

次定四年全等

宗子相集

得哉鄙人輕負足下不能先時掛別今逐為閩吏矣都 成云足下謝客髙卧經歲閉門僕則以為足下將上采 耿耿于足下者未當一日去念也貴鄉人來軟問起居 罔渝恐托非其人有所遺悮日月云邁遂至於今顧所 塵外語是以展筆心愧握翰屢投又以佳稿三帙金石 十古旁綜百家玄草時抽丹書日握俯仰宇宙何所 人而已常欲為足下賦繼潛之篇第以身将塵中乃作 人不難長往獨念大江以南名山大川賢人隐士神

金グロトと言う

次足口東全等 我乎今當發舟而南因緘数語托萬考功轉訊情長詞 蒼梧南之瀟湘西窺巫峽然後傍帝子之髙閣訪彭澤 靈典皆生平神遊未觀者亦欲假此以酬宿抱行當決 簡不盡區區願言自爱以慰餓渴臨楮無任恨結 之故墟結廬而隐以畢愚志胡不可也足下其有以許 則先訪足下之廬因與足下尋匡廬之白鹿無洞庭之 西湖登會稽窺禹穴入天台鴈蕩以及武夷順江而下 報子與 8 宗子 相集 Д

消息明卿時有書来乃得萬卧白鹿奇矣奇矣僕已勒 奉公句中萬古精靈待我二子足下八月遅我名雲之 牒足下乃又出守汀州豈亦武夷君意哉名山久埋沒 上登天目泛西湖然後縣舸而進豈不可也李王絕無 潘明月南呼黄鶴来問恐山中之環珮珊珊矣朝觀朝 夷君日遣白雲候我當事者重違其意乃出僕然議園 宣使者俱化為殷生耶母怪足下怨苦也僕昨移書武 郵使歸几再題尺疏往報重之片詞書來乃責我疎違

金少巴人

改定四車全書 餐霞如芝者子則吾将脫屣而從馬為裝将發任可理 拂衣者不分足下獨擅匡廬亦欲登武夷之朝庶其有 史大稱足下吏隱雅度不為此官所告足下豈僕所稱 所往訊尺書足下已讀之不僕今逐為関吏兵所不能 )既而讀諸篇雄渾悲壯當與廬山爭髙已又會宋柱 个書來開函讀知足下果坐五老家日騎白鹿走 報明卿 往報握手有期不盡願縷 宋子相集

當徑赴九江與足下踐烹鹿之約足 東方先生哉僕已放舟東下秋末渡江若越氣未晴 手以來無問日夕停盃展翰投筆高歌金石琳那紛然 ヨグセエと言 此行得足下髙篇復得子與属友之差足快意舟次 自王吴諸子去國耳目久廢得足下再至為我起之 語托劉武庫轉致握手有期頗言自愛 以待我不然我當驅五老而南今足下落莫無主也 報吴峻伯 五 下須豫作武夷 則

之命軌為喜慰非一學樣便足為足下重得假此聚首 次足四東全等 将發之夕寸心欲裂展筆數十韻皆從涕泪中來他 凄東馳湍目搖落田睇金莖白雲障之数日即聞東魯 雄千古此足下所知即使重之放逐愈益助我長往耳 以還鮮見其衛矣造物忌威鄙夫當之故人憐我時時 召我為別偃蹇流落之人無所比數然而神遊八極心 四座市句險語驚絕今古萬象爭趨三才失色風雅 人讀之靡不悲絕況我兩人哉花下停觴便成萬里含 宗子相集

松邑 語便足千古握手以來邊霜朔雪青山白雲日日候吾 謝足下既出助南益孤其将謂何祈為斯道自愛臨褚 廣陵天目之間殊一大快耳刻下解纜更歸授數語往 金グロ人と言 鄉者從二三子将以為大快矣不謂又得足下山陵數 風人以來上下数千年所未覩紀者今日之別盖造化 一呼不至輒怒目而叱咤之悍之亂趨倒走盖自 報張助甫

久己日早二日 世路風塵强飯自愛 耳目即使白頭于此亦何住况草本同腐肚士恥之 則武夷天台之上有丹竈在馬朝握黄庭幕餐綠雪足 总之矣武夷之命下雖不得足下日談之知足下日日 **念我也紫霞念切紅塵計跳歸請家君倘遂五缶之志** ·能早遂初服則僕将遣白龍而候之浮世紛華已 知我當不訝其言之迂也吏歸尺格往報不盡區區 報白伯倫 1 宗子相集 故

兼該楊柳夾道相迎散髮高歌舉觴自快恨不與故 魏生善書馴謹事僕一年未常聞其一語僕真不能置 同之又念高誼輔又黯然能歡矣幾两旬始違清源閘 潞河授數語使者往報不盡區區解纜而南春水正綠 之至徐可得卒業既淺不能深窺然不敢不效其愚也 此孤騎先馳小舟賤眷徐往今僕二人馴謹勤篤屢以 水甚澀而家君適有書来日夜候僕一面始之留都以 刀剪之役勞之盖如事其主矣尊公佳稿袖之與中讀

金为四人人

諸父老負矢石坐 睥睨而賊從楊悉郵已又勉寶應縱 鄙 而使兒乃又持足下手書來於函大笑樂已又讀放歌 火燒干萬家風烟旦天連十日不減孤城咫尺如坐甕 狀也方渡准島夷環至自戈戦中一 之兄既留用幸賜寬惠如何臨發草草布候 此其抱怦怦怔怔難制矣贼幸大掠徑東方問枕董 〈發京時留一書數詩史鴻臚傳報當不至作殷生 報元美 **覲光母即日夜從** 

久已日早八号 型

宗子相集

之處孤臣萬淚無地可者閩吏至為言春三月勁夷 篇悲壯慷慨一言一淚使後世讀之其謂此時何也坐 行辟則太華諸山突起几席蛟龍大呼風雨驟至非鄙 足下遺之矣昨祖灾詔令人驚恐誰其召之獨遺主上 千直抵閩省焚干家淌載而去乾坤生事竟作何狀鄙 人當之幾至顛倒足下别後乃作如此奇怪而感懷諸 稍稍可冊即渡江一觀家君便東衣南下川金陽絕 北都警甚為尊君作苦此自百年恒跡乃致峻責固

重クログとう

哉夜鼓動取足下歌朗誦之泣浪浪下已呼酒一手伸 飲定四車全書 使者促婦且方寸中俱為羣盗所據不得出片語往報 蘇稍足自慰明卿久卧白鹿洞中書来意氣更可憐耳 音告漸疏所幸者朝夕子與及武夷諸君不大落莫于 政為明鄉懲懲間足下二歌忽飛來一字一泪也更復 聊附此中謝放逐之人何可稱賀遠謝故人祗增太息 報子與 泪 E COL 一珠耳宛轉慷慨靡所不極快心哉快心 宋子相集

白引淌便宛然如從公武陵游也自公挈毡而南遂便 垂髫侍誨祖並金石長安繁馬芳草醉人捏手胡床舉 數月個個昨奉手書大用惟慰我公員金馬才暫盈之 此且得與羣豪共研大業出而眺中截俯大河悲伊 鼓放不能如足下政復以氣頡頏耳 格倚和倏忽成篇出看楣間星手来親人也時未盡三 之長往既北邙之多故則寄之雄詞以志偉勝斯司馬 報顧一丈

次足の長人と 之而重之以詞啟封涉句感愧彌抱書中意旨勤厚佳 冬初具寸楮托梁明府報入省遣發而梁之車馬晨馳 抱恨者若靡無被春日日長也我公不棄又以手書辱 矣更復持歸今我恨息浮沉笥篋中竟無便羽顧所為 之壯遊而古今之極盛也我公何戚馬鄙人康禄恒抱 其家備述我公德業刺刺不休知此公不員斯語美 **忤時之既故人知我何以為教梁明府將南鄙人親詣** 又報願一丈 宗子相集

然念歲月之不留忧容情之各變每念我公未曾不徘 春色暫為我公作主耳內人全無消息薄命固宜非我 念何可為報第近俗之狀益多拂衣之念益切恐武凌 想鄙人何力馬家君稍選南曹鄙人尚竊微禄鈞辱遠 公通家至愛何以時屋筆石乎雨田旬間方到把袂恨 徊長想也 ) 詞壇之上構也我公髙才統德人世麟鳳固羣情快

金发口是有事

篇詞逸情真統之可為隕涕至於諸篇之雄渾清麗則

九三日奉 八五 華陽一眺十古失色白雲迷人風雨颯搖山靈見妬遂 語惟明月髙雲青楓白鴈勸我開尊耳至米石得懷白 神大快耳目出嚴陵為嚴俊一賦今且至武夷矣不得! 十歌使白起而聽之未必戢心黄鶴也無湖遇鳴野山 今分秋別後即稅駕白鷺洲上兩朔足下既去無可措 二章贈之此生狂生乃膽落矣道新安登暈嶺萬峰亂 山人極道足下其人風米談笑殊可人意酒間立級 報子與 宗子相集

當謁武夷君謀馬輿中草緘餘悰待面 志今又逐逐折腰矣當今華陽諸君為我輩何人也明 與足下尋九曲而醉馬奈何哉半載江山遂有鴻鵠之 以來稱奇親矣每一停杯放歌何當不念足下及李吳 夏中蓬萊之使既歸則子與召我有華陽之役相與髙 醉白雲中凡三四日各得詩二十餘章益自貞白先生 一生也既別子與即展謁家大人於金陵稅駕白鷺 報元美

尚憶足下與我談之此即我兩人郵也使去急不得作 次足四年在馬 盡每不自堪軟欲掛別去閩去齊幾六七千里亡論握 贈覺而悲之一視吏事便亟亟折腰生平意氣蕭瑟都 青山憶謝望齊雲登釣臺十月入武夷夢足下握手聽 者两朔燕磯牛首雨花諸臺時以斗酒臨之天風北來 手即欲一書何可得哉昨有裔周督儲壓書者自稱足 念足下方飲馬東海耳九日始得整與向閩采石懷李 下之使進問亦稍能言之謹附尺楮往訊斷事君來謁 宗子相集

墓春握别便迫歲殘日月如馳良可軫慨秋松渡江訪 華陽登米石望謝眺之青山睇嚴陵之釣臺既而入 山抵生实恨小吏回足下幸然以華牘珍服辱遺 結宇長住白雲畢此玄業北望同心渺在萬里滿目江 平眺武夷則諸髙人之遺跡在馬便欲掃石餐霞闢茅 札幸托之健兒 麟書足下為我致聲何可負我二華不酬也開府公 報李子潘

金グロをとうて

飲定四車全書 四 魯連之懷彼此同之矣感與三章寄心高遠末章古健 **慕中散哉足下跡繁纓冕心在烟霞不特僕知之即天** 不以繆見東其子有問即欲掛到近則華陽遠則應湯 詞不渝心歌律諸什則並雲流霞布至所謂冥心卧崑 未洗也載披名篇章章驚嘆腥膻鳥鳶痛哉言子鴟夷 下之人信之矣茲請未遂豈羅浮武夷之問猶有宿業 丘寂照觀無始誠有悚乎其言也所幸者大人見諒苦 **函淡句黯然心折且備聞陳情之舉豈以山公雅度亦** 宗子相集

大人于金陵江上淹留遂迫南邁登龍之願既孤尺鯉 夏中還爐一意展覲干戈烽燧環起厄之頃之又謁家 廓之期幸世相員 逐折腰向人而不知止者也知足下之畜此念久矣寥 雖不能者書立說職之名山以待後世至於枕席白雲 之書復欽長者其將謂何顧僕之念深矣入閩森恭幸 几杖明月歌淮南之桂叢佩湘江之蘭蒞則猶愈於逐 報徐中丞

·崇安之使歸授之数語昨又小緘置郵牒中也数時折 愛 次足四事を与 腰意氣都盡方咄咄癬閣中又讀足下語黯然內折昔 因令公子以聞倉猝未有以效尺寸唯明公為奢生 然有當於諸大夫之心僕則何為唯不忘明公之盛德 令公子日教之且垂念通家意殷殷厚也清才雅度欣 而使諸大夫知明公之有子也無愜鄙心矣謹貢素牘 報子與 宋子相集 <u>+</u>

我二三兄弟在長安時停盃賦詩何曾有一日别乃 侍史内焉 出之世今兀兀不腆之儀非所以酬足下聊寄耿耿 統式而西今又追僕便返檄足下何時東乎極令人饑 半載衝矣即足下與僕又幸從事于兹且不得一圖握 **渴别後豈無** 手也何問數子哉情難矣情難矣汀賊起督府且傲僕 飄零偃蹇散之四方李吳經歲未通一書王生消息又 一語可寄案牘中何可著此等語也幸早

多少里是人

五

九巴马上 在時 鄙人一開豈懼我顛倒哉即此後甚與郵亭風雨胡不 兄弟寸心如割且制頭久病室中寒寒俯仰鬱恨軟欲 溪一傾倒也今期 紧札郵中計次第可通掌記從事來又辱遠書開函涉 句軟欲飛動何時與足下散髮大王之峰濯足九曲之 一示令我饑渴至令也折腰之燕月滿庭梧憶我二三 髙卧郡齊且得郡中住山水主之名章奇句乃不使 報子與 宗子相集

**裂利耳尊嫂亡悉美人中亦有麟兆者否昨托足下為** 饋極不欲負足下高義又不能不為衆人耳目慮也 久辱二礼兼以大賽念厚矣念厚矣顧歲時例不敢 座念也入春得郵緘知怒被割去足下英氣哉護軍來 歲晏與歸竟阻握手計足下方雖馬臨我何當不西望 我見一档史果得精者爱我多矣鄙草統容楷史至書 報子與 内

金分とると言

大己日東 白馬 閣中破此積恨耳 轉語天涯歲時大有江河之感白雲在吳公等又復散 從事此確語也而督府亦時時亟稱足下所論當更為 且國貧苦征調僕時為督府諱之督府為言何不便宜 歸之顧心藏之矣其二臺約議亦當勉起時語今遁矣 之役而僕以職事共西暮春三月定得與足下萬醉蘇 **废秦舜汀楚之墟也奈何不今兀兀哉巡臺行有延汀** 而督府又方急海鯨何暇西轅哉足下趨郡即手干鈍 宗子相集 **+** 七

烽燧中却有佳句元美贈我長語竒麗動人足下久員 白鹿也今歲暮矣足下自無片言隻字訊我豈忘我哉 青楓萬里白雲滿衣苦憶狂奴寸心如墜耳子與日坐 四月出薊留尺牘荒詞劉武庫邸中計楚騎日南可扣 西鄉楚雲心神飛越十月抵武夷掃石門羅放歌長嘯 日已又登燕磯眺鳳臺稅傷白鷺之洲呼月采石之崩 夏中還盧幾為島奴所苦秋渡江遇子與共醉華陽三 報明卿 数日兩奉手書權喜無量兼得大篇二幅讀之見懷二 移南康大令人生姤豈白麂遂作君家物也昨有人言 足下與王督學編廬山将二美並藻江山生色可使遠 日僕與子與有嗣使於足下其東笥草而待 武夷詩不報何也吾將遣白龍而問之江上聞足下量 人得聞乎貴鄉姚文學奉其尊人北歸便訊起居更數 報子與

次定四車全書

章奇偉卓絕元美峻伯德甫諸篇更覺無米美足下方

宗子相集

談之亟稱足下善為理也繕城練兵二者莫先之矣書 曾以使來取吳書也兩念俱負恨不可言公非百里才 史至稍稍熟亦得顧所為勞足下慮至深也持牒者歸 日手戈戟安得作此奇語昨從總臺西征羽書稍緩停 先此附謝鄙言一幅聊答來美 輕劍水之上西望汀雲有懷萬結所諭戎事日為摠莹 公之南也僕蓋渡江有華陽之役矣及之金陵乃知公 報曹明府

即得五老白鹿口相酬酢恐未盡解足下語也則足下 別足下日月頗遠顧時時念之至於登眺江山雲霞恭 互不得足下楚歌放之為念更深矣然足下坐廬山中 于僕為先輩行則必異目焉 也且星子又百里下其治蹟當炳炳蒼赤矣吳公知公 報明卿

次足四軍主

山差極快意子與相隔千里雖阻面談郵書甚動足

宋子相集

九九

之念如何僕之入閩也日手戈戟從健兒将然坐卧青

君久矣 西抵歸化去汀咫尺耳乃以家念庭歸竟阻握手謂何 亡恙其洞中詩自春以往者悉函授使者歸也即與足 宣容一日忘我哉昨貴鄉姚文學歸附尺牘荒詞往訊 離索獨足下與李王二子經年不得片言然二三君子 兹遣乃子與及僕嗣使也敬問楚客楚妃楚公子起居 下枕石而醉不殊矣玉華一篇用寄遠臆武夷片碍運 報子與

金グロ人とこう

欠正りを合い **篔當片石聊寄遠臆足下倚醉而歌恐白雲恭互驚擾** 僕正議事府中即亦爾爾非有他念此公豁達持大體 諸姬也督府公心最汀治口亦時時言之軍書微詰時 宣復有念鄙人鄙人顧不能忘情足下耳吳生之使先 哉謂何哉足下解戎衣持栢酒與徐夫人醉蘇閣中也 已歸穴春中謀大舉一空之何如哉 即有急先發後聞可也待命而後從事晏矣聞前盗俱 在順昌遣之歸昨途又值遂留以待勒啓到即可遣矣 宗子相集

急驅恨不得身代之聖明在上當遂表白利害禍福惟 馳至郵則公已揚給而去北望流涕余襟浪浪時炎兼 金月口屋台電 所命之臣之祖也公之講此舊矣又何俟乎僕之言僕 塗中累礼往報望日抵省即島冠揮戟四野破福清圍 之必言之者亦憂公之深也餘者僕難言之矣 奔走以來凡所受至眷者心藏之矣日者抱關報急及 報子與 報阮中丞

文己日年八日 報明卿書致上廬山之使歸未 廣兵二千騎不可使鄉戍者强則黨賊弱者善奔天 問無非賊壘温州之賊七千餘今且逼福寧矣省中 鎮東大將且南冠北去日從諸大夫抱關思足下碧雲 濯我清風哉鎮東之圍益急而福清長樂恵安同安之 洞真在天上正仗策臨戎使者持缄書至開讀之冷然 知作何狀耳汀雖有盗當不廢足下嘯歌使歸 報 子與 宗子科集

前二日平子之使便附訊起居健兒奉軍書至乃知足 金万巴屋人 **関卒也乃廣兵二千餘人日食省中驕不可制白日櫻** 市中婦女稍詰之則抽刀相向乃賊至又不肯發 汀不可亡兵狀請罷其聽調二十如何昨所擒賊者成 矣而歲貴帑金益三萬可恨哉僕意言之督府請罷去 也僕談斯事怒髮上指到乃今觀倒卒成功首稍稍垂 以應之前督府下機時急不可以請今稍靖矣當具言 下之勞於我事甚矣且足下空國而來使山賊猝起 何

飲定四車全書 阿 欲立之即長亡事則農有警即舎耒而刃僕因極言汀 僕即進言督府即傳機汀兵還汀矣督府雖能遣歸猶 累奉遠續知足下之為閩應至深也前使者以軍書至 如何 不可一日亡兵兵的復匱乃云非即欲的之姑羈之耳 廣兵且延邵之間其悍夫猛士盡可兵也足下其以為 廣兵而歲捐萬金線賴兵二千人戌省其可恃盖不下 報子與 宗子相杂

其繫崇然繁者以為守督卒也詰督全何在不得 給夷以獄此帑蔵也夷遂呼其類数千人闢門以入見 **晚問守四者觀其夷也遂驚而逸既陷華人乃又先之** 復起信有之則汀何待馬吾輩既不能長驅中原飲馬 河沿乃使持戈負矢周旋奉配羞談之矣海池大都多 且言二十石善為理也足下其竟如何哉武平報山勉 人狡善绐夷福清之险也盖華人

次已四年七日 一 詰亦亂其意以為漁商者猶勞且費也不漁不商不勞 為今之策先策華人夷可不策而定不爾者亂無已時 商者誠是也但今之漁商者有司何能詰之詰亦亂不 也而策華人即僕亦罔知策所從出足下謂勿詰其漁 其金騎其妻子治酒啖肉嬉遊問卷矣此何稱編氓哉 獲遂環山而掠即敗絮腐精亦喜而內之囊中人言此 何窶而貪也不知華人員之矣及其敗也其俘咸夷華 夫被割者華人亡論員其國乃又負夷今且各持 宗子相集 主

惟足下裁之吳生何詩寄我一讀 即蘓張復出不能移易之矣而欲一有司召號之僕尚 下所使代謁督府者僕命之祭之羣屬咸無 知其難也假使諸葛司馬諸君復出不知亦作何狀足 不費持大刀走數十里便可得黄金數斤种美婦, 夏既望尺牘薄将托宣城麻户 揚揚而去我兵畏睨豈不愉快得意哉此華人之心 報太僕黄公

金发口屋有量

火已日日人 矣夷亂甚千里塗絕幸天滅之乃我卒得以裂其觸沉 自部人去之問閥去泰萬里亡論尺疏難題即有夢思 **今釋之矣黄先生之便素級中候客塗誤甚唯公自爱** 石休衙矣知太夫人諸公子大恐急不得訊兹乃得謀 之海中其獻存者日紛紛也省城開門僕革始得去矢 一介之使少效區區我公南顧之懷得無日殷殷子請 報李于蘇 宗子相集 幸

戈逐勉不得請然此心已落海低問矣足下歸携王即 大落寞子與視郡我馬者半兵鄙人明春幸不罷即亦 登日觀坐天門東閱滄渤南眺関楚悵仙人之後期憐 去志聞足下去即起還内誠婦理裝會島超急日夜員 逐臣之未返則肅然有風雨之心哉明卿日卧白鹿不 下者乃足下逐謝病去則投牘而起太息彌日僕故有 **孙荒荒汶汶迷不識二華峰嶂也日親仕牘知有代足** 一書自能三四月間定得與足下握手長嘯醉蔡夫

金グビルイー

M

父子り見と言 能酒也足下停車泰岱觀周孔之故墟米管晏之遺事 且得近携王李遠眺逢渤北遊哉都人以往咸十月 我向所贈足下二華之篇不可讀則已可讀則足下何 乃遂赴子與華陽之約然未當不談足下髙雅至惆悵 自與足下握別紫薇而南也日遲足下廣陵消息斷絕 能忘情于武夷哉太夫人公子無悉謹再拜以問 酒耳自君以徴兵入齊敬謁足下其歸也請束秦草遺 報吳督學峻伯 宗子相集 至五

若是都人即非忘情人世者顧親此五斗實不勝其身 金分以月白言 語因之短節五岳不返矣足下以為斯事何如折腰奉 懷数言即以代面 稍過計吏之期則題人疏上求明主乞湖上扁舟以去 閩 **今且護蒼梧軍三十以歸足下視鄙人何人哉而今乃** 三子其坐日觀之峰待我相與大醉十日作十百佳 即屋山海之役見中員矢抱關凡兩越月不休衙矣 報王元美 V +

次足马東台等 掛冠奇士哉竒士哉僕為鄉人强之南至則日夜悔是 坐日觀諸峰掃片石待我也自君選兵入齊幸足下 會子與汀州而明即亦時以郵書至獨足下與于蘇相 提兵東海十里盗息顧不能亡北顧之憂也于鱗乃遂 可請今可請又迫計吏矣春罷亦去不罷亦去足下幸 日聞于蘇去軟勃勃誠表侍於會島池急員矢抱關不 隔萬里言之痛心耳北塞烽髙司馬公盖大勞苦足 **閩十朔矣僅得足下一書北風雙泪時時欲盡春中** 余子科集

金プロ人とこ 時嘆息之矣後鄙人為郎居長安而公乃留滞兩越已 容携二婦出武夷無塗警者非足下明恵哉鄙言一章 賜周旋即部下健兒亦幸分之以解閩急使僕得以從 往成公上書言事時鄙人方竊伏草森中也則已知時 用寄遠情 兵緒論固命哉固命哉偃蹇閩南遇曾子爱其奇氣跌 (聞賦歸去詞馬世路多歧竟不得奉明公顔色而承 報字吏部一元

節而深交之其以戎事行也因託鄙言以寄遠意都 歸自建安則有護軍之檄矣足下乃又以使來足下文 容找小築乎唯公有教言 信宿目者而馳冝怨不者實以足下故奪之我二人 不詣于世甚矣乃為五斗不即去今且去萬山之陽能 手碧雲洞時以為斯地無復會理今三月耳乃又得坐 顧不文乃今不文文哉重幣兼之是毫又何說馬休沐 報子與

久己日東白島 明

宗子相集

喜遂戢其下不敢掠塗然亦其塗之人徒其鷄大孥孺 · 崑崙片石懶咏也豈不天作之合哉鄙人督養梧軍西 金岁正是白書 得作白鹿逐客也足下上計事歸問之趙伯趙伯云業 也其人咸虎而戟日夜爱之亡策唯厚勞其首長首長 母不能一時去其孥孺以為護軍使者爱也今将樂矣 再五日入汀足下其勃徐夫人煮天目茗荈待我寄明 而内之他所故免足下幸傳檄涂居者母縱鷄犬不收 一詩奇哉奇哉每讀足下寄吳生詩且佳且多恨不

書乃聞其在順昌道中要葉氏姬于輿中而羣辱之已 先是二日二徒兒歸付之尺牘是時羣首敢不掠已發 怒髮上指冠已檄從事康狀以請其商長亦恐恐待罪 便須上書以請不得之此則得之彼僕亦以為免上計 又掠其髻金以去其姬名家女也媳觸石而斃僕聞之 便蕭生幸即命之恐生他端為僕累也咫尺不悉言 已議汀大夫入計矣悔不早言之頭府漳道咸有留詞 報子與

次已四年七季

宗子相集

星馳而西五鼓抵歸化日不交睫者两夕矣盖恐逢氓 西导書知足下之建我深也僕即不念碧雲獨不念足 僕誠不能爱此一官而今匹夫匹婦之仇不報也為此 已具公牒中西報十日矣咫尺握手心神飛越 不即從其學孺鷄大故家至而坐徒之蕭生及從事來 夜月聯舟秋雲登閣寸心獨結片語相雕金石有銷山 下哉且羣酉不出瑞金僕之轅未可東也其勞軍諸例 報顏使君

金ダロ屋とこう

Б

欠こりにい 誰與為數是時足下已捨舟劍江之濱飲馬金陵之渚 哉王華一 **屢僅使命禪将來又辱書抱讀臨風碧雲秋色侵人矣** 矣奈之何其亡如也今已幸過清流羣首頗我再五日 欣艷之而足下視我又骨肉而加馬則何報哉則何報 抵汀月朔還棘矣屯署行空可無斗酒待我平 **誼難泯矣足下奇氣疎節鄙人** 報子與 一別冒暑西馳古驛夜蛩孤笳兼發四顧寂寞 宗子相集 人何幸得以挹其光采而 二十九

金分四月百言 者征輕軋軋餐梅關山實奪之非敢忘之也足下不加 譲責顧惠找好言重之米綺其感其愧紛然交 鈞之矣在遠日結于表乃今咫尺顧未及貢一言往訊 **漳南君既未到干旌便不勞遠出遲我碧雲可矣** 首數日頗我又費郡中牛酒以為父老憂使君有罪哉 自足下釋承明之歡而鄙人逐亦南播窮途之嘆彼此 足下須命毛韻先生數百坐石上待我二人題石也羣 報黃黃門

飲定四車全書 我公辛苦我衣日月長矣乃得暫即東山一蘇息之是 請而解馬足下金馬上彦抑之雲霞無論着生不能釋 果察公之冤而鴻遣之歸矣是夜徒倚嘆慰管管至曙 潤日遲北音不得時時勢結道經熊川得報乃知聖明 自公北行泪未當一日不垂垂下也道堂遼遠驛使命 之即所選述炳炳十古無疑也鄙人即不肖可使竊聞 平謹因使者以請 報阮中丞 宗子相集

高誼至竟其酒也心搖搖客依劍津之上即廣陵明 ヨンドノ 九日鳥石之會可破積烟昨出手足耳目俱紛紛矣燈 反政之矣此其故何哉督臺還棘而足下尚未議事則 别公一月矣在闡中日會徐使君則未常不日口足 聖主之恩深也謹遣一介恭訊起居 下扶因具数語惟公諒之 報顔使君 報顏使君 月

昨題尺牘往訊待發矣乃公幸息然遣使辱之瑶礼累 奉謝督臺談城事冀公速臨惟公留意馬 敢不永佩微躬以表長者之賜使旋謹北鄉再拜寓言 出示徐使君未當不嘆息彌口也金穀華履愛我愛我 **丞情意深厚俯仰人世交如我輩者誠難哉誠難哉即** 報查太常

老於都心插一

日也日對唐公即對我公而公之書米

R

宗子相集

僕之南也即去我公萬里且暑寒兩易衣矣顧公愛之

金少口是台灣 僕乃亦不一日忘哉僕自入倒日因我事棉莓關山餐 沐風霧盖未次旬休衙也以此耳目手足靡不被病髮 不得燕書讀之徐使君往致區區北望軫結 列因嘆公家之德澤長也二公子試熊闡當更得意恨 不使麋鹿之性得望豐草而燒乎非讀越書知今好髙 亦稍稍短矣偃蹇不自得敏欲裂缨走公何惜片言而 目召而竊觀之未當不齒我而骨肉我也則公之於 報汪水部

欽定四軍全書 !! 増結矣變龍並列榮問日新宇内賴之何問僕者入閩 客冬奉報順便宛然從公将也顧此萬里之外又黯然 鳴珂聯席抽藻何啻壺崎也萬里之外日賭我戟柳沐 以來櫛沐風露且時時負戟矣天上知已曾有遐心乎 **闖山東之風露漸成病子矣子與入熊羣公聚首故** 别 亦有追心乎州州附訊道遙緒長臨風悵惘 而南再授衣矣北聯金莖白雲芒老念諸故人並馬 報諸吏部 宋子相集

**既辱之啓函拜命意沾沾喜也已而把讀廻環撫馬興** 訊問客秋道左又未獲展觀龍門公不棄乃以遠書厚 臣束髮學語時則嘆公之於家君何雕也雖未得執經 **歳事漸揺落附訊起居唯為蒼生加愛** 念公今白髮僕亦壯夫二十年間宛然陳迹矣因與叔 凡杖亦辱庭教之矣公雖去敝邑日遠顧其遺教猶炳 在目也則臣之幸竊章服非公遺哉人事參差缺然 報李明府

次定四重全等 至過做址而有懷則知公之於僕未常一日不置諸念 兼佈積烟會有遠役詞不宣心 異青雲豈不愉快得意哉僕偃蹇乖時不即引去恥為 徐從事回閩辱礼無之雲綺再拜啓丞油然骨內之念 祖家叔薄進名邦朝夕於公者至深矣叔歸附此具謝 氏道舊談往俯仰長嘆公起居勝矣即又有諸公子奮 公談之他日卜築西湖幸有公作主當不大落莫也家 報學士李公 宗子相集 李三

金グロ人 新編詞林威美區字被華何問桑梓哉遠方小吏日就 俯交微言雖語動及心腑獨愧僕疎愚鄙拙雖自諒無 也感激徘徊潸然陨涕矣自惟幸侍長者之側辱忘年 沉淪唯公餘光拂之甚幸甚幸 乎此僕之所為拊心而增結也項者上春日隆異當有 僻遠草木尚可德感况愚父子亦常聞長者一日之教 他然有負長者之爱至多也而我公猶委曲成全垂情 報學士董公

望者則以為無用楊君亦有感於是欺讀之為之太息 於其上雖無有為之事而實瞻望之所趨焉其有類乎 及口鼻耳目則眉豈輕於衆體哉蓋衆體皆有用眉安 夫女之美者眾嫉其蛾眉士之賢者人慕其眉宇而不 君子者矣世方以僕僕為忠察察為智安重而為團之 師弟子之教不立世之學者一變而為陳相再變而為 題王氏述訓後 方希古

たこうらいかり

连蒙由蒙而變不至於昇之為不止也其漸豈不可畏

明文衡

金丘四月石書 哉予過梁宋問親河洛之俗可駭馬至汜水見河南按 致不忘之意其情解忠厚有足感人者嗚呼薄夫惡子 察会事王侯履道所為述訓歷記成童時所從之師以 觀乎此其尚知所愧恥而感慕也哉 文衡卷四十六

欠この見と 維之事則有可言者維號文學之士其於出處之節君 不知畫固不敢妄論然世自有識者亦不假於予言若 欽定四庫全書 右王維賴川圖僊居盧氏之家藏也問以求題於余余 題跋 明文衡卷四十七 題王維畫輔川圖 明支例 朋 程敏政 王叔英 編

外之可否外以視其時之治亂而進退行藏之機決馬 獨 隱之日而維官為給事中又無一言一事 神益當世領 臣之義因曾聞之矣當玄宗之季非可仕之時亦非難 徒以昧出處言之矣使其不遭寇亂汙節未彰君子蓋 以自給可耳而乃挾技能之末切爵位之榮是又不可 如維者其才既如彼其下其時又如彼其汙耕核漁樵 死則其罪益大有不容誅矣夫君子之出處内以視其 以能詩畫稱則末矣及禄山之亂陷於賊中又不能

金云四月月

各四十七

蹇無所比数不足為明公言之獨南康司理吳君者僕 豈不與日月並垂哉竊在下風何勝鄉慕僕之碌碌偃 徒劳明公不棄逖儼然辱之以書三嘆高深况之海嶽 とこう。日から 日台垣出鎮開府西江風米謨猷沛然雲布大業炳蔚 日來雖時奉教談終為俗格所泥者心恨之矣昨意公 之同志交也其人高雅取忌唯明公留意馬 /斯稱奇觀矣世路多歧未能卒教關山無極嘆 報顏使君 म 信子相集 主太

昨往二緘方以球訊為懼累奉手贖果言言讓我矣與 時方醉吳酒抱即夜嬉也使來奉牘知公念我見懷 章情詞精絕即老杜暮雲春樹之句何加馬行當奉和 **必謁院晚出頃之門卒報干旄出城矣乃益悵然公急** 以申遠臆吏語因院牒促先公行二日進矣 金陵之約乃棄我哉連苦夜讌令意汶汶不快計公是 · 順更急豈遂棄我哉今人手兢兢不能持也 報顏使君

金分四月白書

殿盗發而他潘悉委之閩即其言行逐吾官耳方當再 大三日野 ところ 淺美獨畏左右耳目未展兄嫂之恭 此我两人之外内 拜謝賜公僅當今歲之盗即他潘報軍書不似往急也 鄙人之再西也豈不甚幸哉名山片語便垂千祀至於 深夜握手不忍鄙人之即去而曲計全之其誼骨肉為 公又何勤勤切切乎萬生所閥寂無耗或難僕言之足 下其母苦賣 報子與 宋子相集 4

曩者鄭家君金陵之墟則具言足下與将至雕即骨肉 金河巴屋白雪 無易之也今人仰屋竊嘆政以為高誼如足下者宜何 鄙 固無所不至也但以鄙人之來今足下病至慶容而去 而不得蒲伏門屏一布下棕顏所耿耿深矣入閩日提 所稱報乃以外吏不敢進謁諸京卿長者即夜移棹去 有罪哉馬首渐東孤懷欲結回首汀雲無任悵惘 **贼餐沐萬山中遂欲為一書北訊不得秋會象** 報薛刑部

欠己日東 白色コ 書言言振我也即至不肖敢不夙夜象南君出其文詞 **象南君當覲足下邸中骨肉榮華樂何可支也謹附小** 今又得象南君繼起益章顯親于今世固難哉固難哉 此金馬才也今果上第矣亡論足下之快之即僕之快 君以華牘辱之握而談如親足下馬已乃讀足下所賜 狀申悃唯足下不棄有教言 不減足下也足下懷瑾握瑜搞詞談道為一時表重乃 示僕第為一誦報動色而起既已大奇之時時為人誦說 宗子相具

金牙口居台灣 往謝也軍儲所費幸即具牒一 之間倘得握手甚幸顧恐無此奇也朝斗一章足下和 已發石牛得手書知足下悉且甚今僕意忡忡而東也 此乃夜坐積困稍卧閣蘇之當可勿藥矣漳南意熟僕 以當之謝書幸遣護我速訊前途再為具述足下語 報子與 報子與 投僕可船手歸省邵

次での事とき 寧之役不必特馳月晦便謁過朔機覺至順也前議倘 士馬蹄不穿難矣如此宦情奈何今鄙人甘之足下建 熊川遣健兒入汀後二日抵順昌聞足下棘聞之檄此 **諧所遣偕使其抵省僕當具楮待之鄙事大勞足下然** 非我兄弟一體者安可措片語也李司數書幸付長汀 則守臣護入之既已延平而巡臺復檄往杉麟入諸博 君其護吏四仍取報書寄我 何足云顧沾沾喜者以握手之難也故事聘博士至關 宋子相集

金万巴屋人 拜因使者以謝入棘近矣謹誠小奴理疏煮醑以待足 大人且作且感亡論大人即僕復何當之哉謹西鄉再 肺病未常不西望增結也金陵書到始知足下賜訊大人 别足下十日方得抵省風雨沉塗備常之矣遥想茂陵 下周宋督府迎送二牒幸命一護戎急馳之大人有家 二函附使者昼寄幸甚鄙你前緘己詳唯足下圖之 報子與 報子與

欽定四車全書 中丞歸山二章精麗俊信逸氣副副薄雲矣周幸哉周 足下時時念我深也碧雲一章稍易數字更稱奇絕周 抵省遣健兒西歸寓之訊言已又三健兒至奉手書知 使者一二日待僕與足下面遣之未晏也 陵使者至未已遣一介遅干在王華足下既至則請留 吏語釣以托之長汀黃君蓋足下既東拾斯人不可金 二使次第遣歸有報言矣宋督府視事例有賀且上之 報子與 余子相集

之可矣殿 四懷詩併王生者奇哉奇哉我二人亦胡可少此詩也 乃挑髯不荅趙幸有役林院楊伯署司僕當極力問旋 君又亟言胡從事乃王黃門烟也因起請再三趙伯者 乃云徐使君既有公牒請以易胡生者易之便與顧使 趙伯伯云督府已有成命難中奪之而楊伯佳大夫也 幸哉知嫂東歸使者取道北鄉都心炎炎如火第歸後 日屋林開之役奈何哉胡從事受足下重命歸即請之

大臣日奉 在 翁 伯楊伯遂具牒巡臺易其人牒今日且下楊伯者佳伯 道足下感仰情胡從事不能以一 是時干旄已指九龍矣楊伯顏憲時念足下僕更時時 病兹復遣之聞足下二十日同嫂夫人東也則大喜計 前是二日具訊一役歸矣二役尚留意欲有所遣一 嫂歸矣聊為內侍者易數衣而不腆之儀因以獻諸伯 報子與 宗子相集 口遣諸懷日言之楊 一役

**軋軋入從諸大夫折腰也欲啓鑰展謁足下則足下能** 哉佳伯哉幸報胡從事母問也更一二日則調遣一 金万口屋台雪 也已乃從臺史廟謁遂留齊沐庠中罷祀鷄鳴矣是起 厄竟為衙官促去何物浮名乃能寵人如此意芒然甚 足下之枉辱敝署也即如崑崙之上遇美門馬駐馬數 之使候足下劍津之上矣 出子左國二種偶涉都筆幸足下藏之左逸其 報子與

**飲定四車全** 哉乃不得並二子将也萬里之外今人快快耳臺使便 者足下得亡短氣乎昔顧華玉以開封謁帝獻吉諸公 附訊顧言加飯以慰遠臆 聞足下北轅十日矣長安車馬雲朔而聚日無 祖道陳詩而朱升之報績還亦有章園別紀足下何 當樵足之也 報問憲長 報子與 E 宋子相集 一知巴

蒲伏棘門公母恐我哉敬司有不腆之将敢附一言以 大怨别也異日公持大中丞節來督八 憲之訊至矣羅浮先生日夜望公至豈知武夷使者乃 豈不甚幸甚幸哉荷亭笑别盖心旌摇摇與公共翔燕 我令都人 **噱如公在庭也知公已謁帝歸鄞日遅音告乃百學掌** 薊之墟矣從諸公時誦春聞王伯之句未常不拊掌大 朔奉陪末議明公折節而心交之持盃灑翰動則顧 /賴倒如醉若涉殊庭從安期先生啖棗遊也 開我事都

次已日東丘島 貽書知足下北謁帝不敢報言冀得廻轅展晤不知足 賀 别足下久矣每念足下髙誼私心如渴也秋中今公子 此先復顓遣奉慰不任區區 公狀故聞之足下之言尤詳矣弟何能為不敢辱命草 下乃枕苫而廬也伯翁何故哉驚惻驚惻遵岩東臺口 報德甫 報尤憲長 宗子相集

之海上餘者尚屯山南棘門羣校專援甲勒馬以待足 明卿亦通問否門隸再廷草此代候客途溽暑願言加 更四奉手書知足下念我深也即闡越咫尺未通 もプロ人と 下幸足下蚕至以長纓繋而鞭之以謝蒼生豈不可也 何妨長憶哉萬怒環省城焚劫者今六十日矣昨稍殲 月之聖既已奉訊言北鄉矣則又以為公之念我勤 報方武庫 訊

龍而揭馬 次足刀車公馬 罷耳他日五岳志成公其就我百花洲上讀之昨具 無己時馬幸計更萬一罷去為快即不罷亦上書自 不腆之儀起居尊公長者夏官大夫之題侯僕登 解馬公為即久胡不調以公之不調知僕之折 也長安中書盖自首難之矣恃公該我不然者僕何 而僕之報公跡也無乃門者嗔不內乎然僕非敢跡 報莊吏部 . 宗子相集

負諸君豈負公哉仰山君看花長安大君三君餘羽待 蘇門西原少海諸君顧其詩可得而言也公謂高詩玄 奮公之樂甚也尊公名德高齒都人宜有言顧願得生 振之今後世有詞也然諸君俱奇蹇淪落不俯詣于世 淡而之風骨佳談哉佳談哉方公與高将時何不以言 諸篇詞翰奇絕盖雲霞亂墜矣我明稱名吏部則無逾 足稱名流矣公雅意都人期之華地甚幸甚幸顧不欲 仰山君至再辱賜書環讀累嗟公之念我何深也夢我 自グアチイラ 次足四軍公司 鸬鶯兽復流念遠人乎閩使奉鄉書入都事在足 去冬辱遠書憶惟歎別並見情悰把韻廻環不知涕 然問訊顧其心何常 泪之浪浪余襟也每睇北雲便欲心折征軺軋軋 日厘山海之役眠餐櫛沐半在風露間矣足下雍容 而綴誦馬公其教之 **亮桑與功名威美貽寵遐僻甚幸甚幸 鄙人南徙** 報白伯倫 宋子相集 日不殷殷哉足下影組仏署 學五 缺

快裁教 是汀之厄也尊公何恙何竟不起太夫人得亡過痛乎 惟含容而速遣之即鄙人之願也吉夫念我厚宜訊恐 裾矣諸大夫靡不喟然與嘆即臺史且亟亟言斯人去 自足下出關日忡忡怦怦不能一日釋足下意獨怪之 以不遍取罪且為我謝之子與至當致耿耿耳外録二 不知足下乃奉尊公諱痛哭歸越也書来把讀 報子與 一泪盈

報尊公地下無己時也僕擬春暮拂衣闚為荡訪天台 禮上奉太夫人萬年以其餘报采千古卒成大業是又 次足马車公島 采鍾蠡之遺事斯僕之上願也足下其埽徑而待之頃 夫人於堂而因與足下採為穴歷西湖吊閱圖之舊官 解沒天目之墟濯手若雪之上展認尊公之墓上壽太 以職事從臺史行部駐節延平日飲顔公之廬未當不 里中數春不愈焚麻松丘哉足下可無恨足下杖而讀 是皆助足下悲也第尊公八十餘老矣又得被章服将 Q 宗子相集

者自山草者自草本者自木殿不得終持之矣公之連 發而江山草木靡不改色者及其定也 則江者自江山 別後凡三拜華情則黯然恨情哉春中事辟如驚殿迅 峻節雅度誰得而終擀之也公之擢粤也胥江公命僕 為太夫人加發臨格於邑 談足下至歌戲罷酒也不腆之真敢聞左右唯足下 金グロ人と言 之亦公之未定之天也及其定也公者自公文章政事 報周憲長

次已日東台等 ~ 今亦不記云何要之皆歷歷寸心也自公去僕不復措 馬叔言文思當亦駁發恨道遠不得讀而快之公當何 言絲錯而函之自歲養淹留至今矣盖以我故公其該 雨朝夕若僕任之矣門者一書更者一書咸戈戟中語 日至楚何日癸楚何日渡江何日渡淮何日抵燕也風 日出山所馳情於左右者如餓如渴也唯思然有教言 公去閩三月乃僕之心累期矣盖骨肉之情然哉公何 報顏使君 宋子相集

奉部徽視事泉臺時夷大舉入海集省城者萬也又切掠 春中九辱書委我尊公志豈以僕亦能不辱命哉四月 也健足入都聊附數語代訊三郎君近有音至否僕念 之悲嘆諸所舊從繫繫如雲僕目之未常不黯然帳情 六十日始去数百里白骨山起林廬一空父老泣曰自 **之絕甚何問公也** 語公至長安當即拜新命斗酒相籍何地何年哉言 嗣

重发电压台言

欠己日東台馬 支敗面者又繫繫也此自僕命哉即四上與賊終始昨 僕遣精鋭数十走之奪得巨螺二隻五采爛然可作觥 十斤鐵推僕削馬夫尊公儒者也即有之亦少年事不 三日勒成都言一米足下實録唯少年数十金亭長四 方解戎衣休沐正理前草使者復至不敢辱命謹下惟 他日五湖當與足下大醉此君一笑耳足下教言教諸 生古語諸生遇害者五六十人其為勇未歸即歸而折 有閩以來無若兹條者僕守西陴乃賊即日日攻西陴 宗子相集

金为巴尼人言 足重公况直書朱玄郭解語縣公生平也二子自奇顧 奉手書沾沾喜顏生不遠千里訪足下足下乃又深爱 紹生去附志序二首書一首計中元抵越矣顏生來又 與公無當政如左馬李杜並住然不可以左即杜也足 不敢員委也家大人書來具言足下馳特使於金陵且 而極念之也兩難哉顏生才又深沉有度汀館徐圖之 下以為如何 報子與

という声という 報唯心藏而口占之無已時也非謂蕭生遂遣北訊元 後會戎事急冉丹至六月而都運公來奉師彭城書乃 美鲁其病且僕亦日苦憲牘不得一間為書聞元美尚 春中聞熟輔之召竊意師必歸謁封樹用日日北行也 炎甚想天目亦如之捐痛自爱 在青州何也其於去就苦矣吏有事越臺附此往訊秋 有厚齊馬足下於我父子之間深矣顧安所報顧安所 報光禄黄公 宋子相具 四九

金分口屋在意 **諭熟切尤見師骨肉無已之情環讀之不知泪垂垂下** 春初附尺疏黄公子其訊木盡區區入夏夷亂急矣遂 也今世愛我念我者孰逾師哉使者又辱賜賀感德愈 知節旄徑自滁陽北也恨深矣書中念不肖絕甚而别 之盖恐無以副師知已之明也唯師益教之有王望馬 深謹北鄉精首附言中謝不肖鄙陋叨此重任悚灼久 久缺音告我公不棄乃惠然以遠書華幣辱之啓丞奉 報趙太僕

古鄙人 會編中者都人言言窺靡不洒然而快也公謂心力可 古名賢之所萃止也我公名章麗藻雲霞並流即所列 欠こうら ここう 到齊驅古人者盖自謂乎盖自謂乎江山詞賦並峙 具謝臨發數語即布下悰公母以詩讀之也秋氣漸髙 教厚念盈楮抱佩悚灼罔所措之滁陽天下之勝而今 公其為蒼生加爱北鄉無任馳情 入願得請益而卒業馬唯公諒之使者北歸謹裁 明卿 宋子相集 4

曾然我二月來致足下書知官舍家寂日惟瞽師語也 遭之也即欲走一介訊足下武昌會倭遽至而環之蓋 是日為足下頭足旁皇立数行下天乎足下何罪而再 味哉有味哉三月朔覩計吏贖則足下乃又有謫命矣 蓋黯然矣讀足下詩又沾沾喜昔謂詩必窮而後工有 耕矣而獨僕折腰五斗不即去豈理哉日夜謀所以去 足下足下再謫子與苦居元美近遂家居乃李生又久 三月道淦始闢遂冉冉至今也顧此心何甞一日不念

金分四月全書

往歲九月具尺牘付徐汀州代訊已而聞其奉諱歸吴 とこり 草 かいす 矣而道塗阻絕北使希潤遂不能脩一詞道此恨恨尊 布之左右謂何哉謂何哉嗣是又值夷亂其狀難言之 也訝而恨者久之乃使鄙人别來感佩私惊竟不能 狀不得則移痾耳陳大祭公入楚附此一 書尤與遠略行將為二三大夫誦之我公坐壽九邊邊 公遣使投之三緘啓封而讀言言感言言愧也時事 報方駕部 宋子相集 訊 五 1


諒馬 馬不敢南牧別兹聰夷固冝其宏策炳炳也鄙人不學 顧心藏之矣郎君馬朗周麟鳳之傷也鄙人何敢以諸 教敢不夙夜尊公復有厚資於鄙人鄙人雖不敢拜命 辱諸公以贵鄉二三子付之鄙人何有哉幸公遠恵至 生視之謹附數語奉謝鄉者一書併致以見區區唯公 (年矣人生幾何堪此睽隔每與二三子持盃對 報謝山人

金好四月在書

卷十五

**飲定四車全書** 事李公與公有傾盖之雅謹附尺牘代訊懷公之情 暮往也近家君下築金陵之墟將遂家馬公能渡江而 哉公既老僕之髮亦梢梢短矣嘉時不再唯公圖之槐 **睇匡廬南浮瀟湘以盡平生之所卧将而未覩者何如** 南而僕因解綬從公闚天台眺應荡下西湖登虎丘西 已逾數朞矣獨僕以五斗不即去然念念漁樵恨不旦 子也于鱗久耕明卿再謫子與元美並奉家諱南歸時 月未常不念我公即公髙居獨吟當亦不能忘情二三 宗子相集

数數感足下萬誼無已時也足下念我我旃我旃即苦 泣下莽莽宇宙安所投足哉足下以太夫人故不出僕 大人訊語啓函讀乃知足下有嗣使于金陵而家大人 顧不若二三弟兄放逐驚憂種種甚也每一念之不覺 隅旬果吏有事于越附尺牘命之天目訊足下書及家 見之詞惟公 敢謂足下語非也家大人以倭故近日買宅鳳臺之 報子與 為我酬馬



宗子相集卷十五 卷十五